

खबरां

- केंद्री गृह मंत्री अमित शाह होरें गोवा च पच्छमी इलाकाई कौंसल दी 28मीं मीटिंग दी अध्यक्षता कीती।
- विदेश मंत्री डा. एस. जयशंकर होरें लक्जमबर्ग दे उप प्रधानमंत्री जेवियर बेटेल हुंदे कन्नै दपक्खी मीटिंग कीती ऐ। उनें आखेआ जे नेह समें च जेल्लै पूरी दुनिया यक्को-तक्की गी लेइयै चेंता करा करदी ऐ, उत्थे भारत ते लक्जमबर्ग बश्कार इक निगगर ते भरोसेमंद रिश्ता बने दा ऐ।
- दिल्ली च ईमारत ढेई पौहने आहले दुखदाई हादसे च मरने आहलें दी गिनतरी 7 होई गेई ऐ।
- नियम कायदे लागू कराने आहले निदेशालय ई.डी नै टी.एम.सी दे सांदस नदिमुल हक हुंदी उर्दू अखबार सरबन्धी मामले च 7एं ठकानें पर तपाशी आहली कार्रवाई कीती ऐ।
- मौसम सरबन्धी मैहकमे नै बिहार, मध्य प्रदेश, पूर्वी उत्तर प्रदेश, उत्तराखंड, पच्छमी बंगाल ते उत्तर पूर्व दे किश हिस्सें च कल्लै धोड़ी भारी बरखा पौने दी पेशनगोई कीती ऐ।
- ते टेनिस च पिछली बारी दी जेत्तू रेदियां Aryna Sabalenka ते कार्लोस अल्काराज, यू.एस ओपन दे क्वार्टरफाइनल च पुज्जी गेइयां न।

<><><><><><>

HM-Panaji

केंद्री गृह मंत्री अमित शाह होरें गोवा दी राजधानी रणजी च पच्छमी क्षेत्रीय परिषद दी 28मीं बैठक दी अध्यक्षता कीती। स्टाडे संवाददाता नै जानकारी दित्ती ऐ कि बैठका च केंद्र ते मिम्बर राज्यें कन्नै जुड़े दे मुद्दे पर ध्यान केंद्रित कीता गेआ। एहदे च आपूं चै तालमेल ते किट्टे रलियै सांझी कार्रवाई दी

जरूरतें आहले मामले पर चेचेउ तौरा पर जोर दित्ता गेआ। एहदे मगरा अमित शाह होरें गोवा पुलस गी प्रेजिडेंट पुलस कलर यानि राश्ट्रपति पुलस ध्वज प्रदान करने दे कार्यक्रम च बी शामिल डा. श्यामा प्रसाद मुखर्जी इंडोर स्टेडियम च आयोजित इस कार्यक्रम च गृह मंत्री होर गोवा पुलस दी अपनी जुम्मेवारिएं गी लेइयै निष्ठा ते समर्पण भाव दी सराहना कीती।

<><><><><><>

Jaishankar India-Luxumberg

विदेश मंत्री डा. एस जयशंकर होरें आखेआ ऐ कि ऐसे समें च जिसलै पूरी दुनिया मजूदा यक्कोतक्की आहली स्थिति कारण परेशान ऐ, भारत ते लक्जमबर्ग बश्कार इक निगगर ते भरोसेमंद रिश्ता बरकरार ऐ। एहू गल्ल उनें अज्ज नमीं दिल्ली च लक्जमबर्ग दे उप प्रधानमंत्री, विदेश मामलें ते बपार सरबन्धी मंत्री जेवियर बेटल हुंदे कन्नै मलाटी दरान आक्खी। विदेश मंत्री होरें मुक्त बजार समझौते गी दित्ते गेदे मजबूत समर्थन लेई लक्जमबर्ग दा आभार बी प्रगट कीता। विदेश मंत्री होरें इस बरे दे शुरू च अपनी लक्जमबर्ग जात्तरा गी बी चेता कीता ते आखेआ कि हाल दे किश बरें च दौनें मुखें ने नेताएं केई बारी इक दुए कन्नै मलाटी कीती ऐ। उनें आखेआ कि बपार, रास-पूंजी ते माली सहयोग भारत ते लक्जमबर्ग बश्कार सरबन्धें दा मजबूत आधार रेहा ऐ। उनें आखेआ कि दवें मुख्य अंतरिक्ष, डिजिटल टेकनालजी ते हरित प्रौद्योगिकी जनेह क्षेत्रें च संभावनाएं दा बी पता ला करदे न ते कोविड महामारी दे बाद दौनें मुखें बश्कार सेहत क्षेत्र च सहयोग च बड़ा मता बाद्दा होआ ऐ।

<><><><><><>

VP-Youth

उपराश्ट्रपति सी.पी राधाकृष्णन होरें अज्ज नौजवानें अगगे अपील कीती ऐ कि ओहू नशीले पदार्थें दे गलत इस्तेमाल खलाफ इक सख्त रौंऽ अपनान ते इक नशामुक्त समाज दे निर्माण च अपना योगदान देन। गुवाहाटी यूनिवर्सिटी च आयोजित इक कार्यक्रम च विद्यार्थिएं गी संबोधित करदे होई उनें आखेआ जे नशे खलाफ लड़ाई च स्थाडी नौजवान पीढी सबनें शा मती महत्वै आहली भूमिका निभाई

सकदी ऐ। इस मौके उनें सबनें मजूद लोकें गी नशे खलाफ लड़ाइ, च इकजुटता दस्सने ते इस कवैतु गी भलेयां खत्म करने दी सगंध बी चुकाई।

<><><><><><>

Delhi Building Collapse

नमीं दिल्ली दे सत्य निकेतन च ईमारत ढेई पौने आहली दुखदाई घटना च मरने आहलें दी गिनतरी 7 होई गेई ऐ। कुल भारती आयुर्विज्ञान संस्थान एम्स दिल्ली नै जानकारी दिती ऐ जे कुल 12एं पीड़ितें गी अस्पताल आंदा गेआ हा। इंदे चा 6 जनें दी मौत होई गेदी ही। इक्क दी मगरा मौत होई गेई। एम्स नै आखेआ ऐ जे 3 जनें दी हालत माढ़ी बनी दी ऐ ते इक दी हालत स्थिर बनी दी ऐ।

<><><><><><>

Delhi CM Collapse Site

दिल्ली दियें मुखमंत्री रेखा गुप्ता होरें ईमारत ढेई पौहने आहली थाहा दा अज्ज परतियै दौरा लाया ते उत्थै चला करदी बचाव कार्रवाइयें ते सुरक्षा उपाएं दा जायजा लैता। पत्रकारें कन्नै गल्लबात करदे होई उनें आखेआ जे हादसे आहली थाहा दा तकरीबन 80 फीसदी मलवा हटाई लैता गेआ ऐ। तोआई, ईमारत दे मालक खलाफ एफ.आई.आर दर्ज करी लैती ऐ। दिल्ली दी मुखमंत्री हुंदे दफ्तर नै आख्ेआ ऐ जे दिल्ली च गैर कनूनी 5 मंजिला ईमारतें गी तुरत सील करने दे निर्देश देई दित्ते ना।

<><><><><><>

NDRF Rescue Op. Delhi

राश्ट्री आपदा कार्रवाई बल दे इंस्पेक्टर जनरल नरेंद्र सिंह होरें आखेआ जे नमीं दिल्ली दे सत्य निकेतन इलाके च ईमारत ढेई पौहने आहली थाह लगातार तपाश ते बचाऽ कार्रवाई चला करदी ऐ। आकाशवाणी समाचार कन्नै चेचे तौरा पर गल्लबात करदे होई उनें आखेआ जे एन.डी.आर.एफ, ढेई पेदे ढांचे दा मलवा हटाने लेई खास उपकरणें दी बरतून करा करदा ऐ।

<><><><><><>

Ed-Searches

नियम कायदे लागू कराने आहले निदेशलय ई.डी नै उर्दू दैनिक अखबार अकबर-ए-मशरिक ते ओदे निदेशक ते तृणमूल कांग्रेस दे सांसदे नदिमुल इक कन्नै जुडे दे इक मामले च कोलकाता, दिल्ली, रांची दी सत्तें थाहें तपाश आहली कार्रवाई कीती ऐ। ई.डी नै विधाननगर पुलिस कमिशनर हुंदे आसेआ दर्ज इक्क मुंडली सूचना रिपोर्ट दे आधार उप्पर इक प्रवर्तन मामला सूचना रिपोर्ट दर्ज कीती ऐ। जांच करने आहली एजेंसी नै दस्सेआ ऐ जे एह मामला कथित तौर पर साम्प्रदायिक सद्भाव गी बगाड़ने च बाढ़दा करने सरबन्धी सामग्री दे प्रचार-प्रसार ते छापने दे इलजाम कन्नै जुडे दा ऐ। ई.डी नै आखेआ जे एह मामला गैर कनूनी लैन-देन, विजन स्थाब-कताब दे नकदी दा लैन-देन करने ते शक-शुबेह आहले स्रोतें सवां पैहा हासल करने दे इलजाम कन्नै जुडे दा ऐ।

<><><><><><>

PM-Guj. Mah.Tour

प्रधानमंत्री नरेंद्र मोदी होर कल गुजरात ते महाराष्ट्र दे दौरे पर होडन। इस दरान ओहू बडोदरा च 35 ज्हार करोड़ रपे कोला मती लागत आहिलएं बक्ख-बक्ख विकास परियोजनाएं चा किश दा नींह पत्थर रक्खडन ते किश दा उद्घाटन करडन। मोदी होर 20 ज्हार 700 करोड़ रपे कोला मती लागत कन्नै तैयार कीते गेदे 326 किलोमीटर लम्मे पच्छमी माल गलियारे दे 3 महत्वपूर्ण हिस्सें गी राष्ट्र दे नमित करडन। प्रधानमंत्री बडोदरा ते टांडा रोड बश्कार इक नमीं रेल सेवा गी झंडी दस्सियै रवाना करडन। एहदे कन्नै बडोदरा, छोटा उदेपुर ते अलीराजपुर जिलें दे लोकें मता फैयदा पुज्जोग। मगरा अपने महाराष्ट्र दौरे दरान प्रधानमंत्री मुम्बई च ग्लोबल फिनटेक फेस्ट दा उद्घाटन करडन ते उत्थे मौजूद लोकें दे किट्टै गी संबोधित बी करंगन। ग्लोबल फिनटेक फेस्ट 8 कोला 11 सितंबर तगर चलग जेदा एजेंटिक ए आई, टोकनाइजेशन ते समावेशी वित्त जनेई उभरदिएं तकनीकें पर केंद्रित होग।

<><><><><><>

Goyal-India Medical Value

केंद्री बन्ज बपार ते उद्योग मंत्री पीयूष गोयल होरें अज्ज आखेआ जे भारती मेडिकल वेल्यू सैलसफा सरिस्ते च आर्थिक विकास गी बढावा देने, रोजगार पैदा करने ते अंतरराष्ट्री स्तर पर खरी साख बनाने दियां बड़ी मती संभावनां ना। मंत्री होरें नमीं दिल्ली च हेल्थ केयर ते वेलनेस एक्सपो, संजीवनी-2026 प्रोग्राम च भाशण दिदे होठ एहू गल्ल आक्खी। गोयल होरें आखेआ जे एहू प्रोग्राम भारत दे मजबूत मेडिकल सरिस्ते दे जरिये कुल संसारी सेहत सेवा दी जरूरतें गी पूरा करने दी ओदी समर्थ गी सामने आना करदा ऐ।

<><><><><><>

IMD

भारत दे मौसम सरबंधी मैहकमे नै बिहार, मध्य प्रदेश, पूर्वी उत्तर प्रदेश, उत्तराखंड, पच्छिम बंगाल ते उत्तर पूर्व दे किश हिस्सें च कल्लै धोड़ी भारी बरखा बरने दी पेशनगोई कीती ऐ। मौसम सरबंधी मैहकमे नै आखेआ ऐ जे आंध्र प्रदेश, झारखंड, ओडिशा, छत्तीसगढ़ ते तमिलनाडू च कल्लै धोड़ी गरजियै फंडां पौने दा अनुमान ऐ।

<><><><><><>

Bihar-flood

बिहार च हाडै आहले हालात लगातार माढे बने दे ना। 12एं जिलें च केई मुख नदियें च पानी दा स्तर बडा बदी गेदा ऐ जेदे करियै 10 लक्ख कोला मते लोक प्रभावित होई गेदे ना। मध्य प्रदेश च बी बड़ी मती बरसांत होआ करदी ऐ। अगले 4 दिनें धोड़ी उत्थे भारी बरखा पौने दी पेशनगोई कीती गेदी ऐ। मौसम सरबंधी मैहकमे नै रीवा ते सागर, टीकमगढ़, छतरपुर, पन्ना, सतना समेत 6एं जिलें च भारी बरखा दी चेतावनी जारी कीती दी ऐ।

<><><><><><>

Miami Air Cargo

अमरीका दे मियामी ब्हाई अड्डे पर कल लैंड करदे होई अमेजान प्राइम एयर दा इक माल ढोआई आह्ला ज्हाज रनवे सवां इस पाससै तलैटी जाने कारण हादसे दा शिकार होई गेआ जेदे कारण 5 लोकें दी मौत होई गई ते 5 दुए जखमी होई गे ना। बोइंग 767-300 ज्हाज प्यूर्टोरिको सैन जुआन थमां मियामी पुज्जा हा। जियां गै एह ज्हाज जिमीं पर उतरेआ तां रनवे परा तलैटियै उत्थे खड़ोते दे केई होर ज्हाजें कन्नै बजदा गेआ। जानकारी मूजब घायलें चा 5 दी हालत चिंता आहली दस्सी जा'रदी ऐ।

<><><><><><>

Folk Fest –Ramban

जम्मू-कश्मीर दे द'ऊ दिनें दा शानदार लोक उत्सव कल शामीं रामबन जिले दे खूबसूरत सुनासेरी (गुगलीधार) दे दब्बड़ च सम्पन्न होई गेआ जेदे च समृद्ध लोक परम्पराएं, सांस्कृतिक विरसे ते प्हाड़ी समुदाय दी अनोखी पंछान गी उजागर कीता गेआ। इस कार्यक्रम दा सरिस्ता मुकामी लोकें, जिला प्रशासन- सैलसफा विभाग जम्मू ते जम्मू-कश्मीर कला, संस्कृति ते भाषाएं सरबन्धी अकैडमी कन्नै रलियै कीता। इस कार्यक्रम दा मकसद मुकामी संस्कृति गी बढ़ावा देना ते सुनासेरी गी इक बधदी ग्रामीण ते पर्यावरण सैलसफा आहली थाहर दे रुपै च बढ़ावा देना हा। इस उत्सव च ज्हारां बद्धे मुकामी लोक ते सैलानी शामिल होए। इस मौके पर रामबन दे विधायक अर्जुन सिंह राजू होरें 2 करोड़ 17 लक्ख रुपे दी नमीं विकसित सैलसफा सुविधाएं दा उदघाटन कीता।

<><><><><><>

IFFJK

जम्मू-कश्मीर दा पैहला अंतरराष्ट्री फिल्म महोत्सव अज्ज श्रीनगर च शुरू होआ जेह्दे च दुनिया भरै थमां फिल्मा निर्माता, कलाकार ते फिल्म प्रशंसक सब्बै इक्के थाह पर किठे होए न। इस उत्सव दा उद्घाटन समारोह INOX श्रीनगर च आयोजित कीता गेआ। मुख्य सचिव अटल डुल्लू ते सूचना ते जनसंपर्क मैहकमे दियां निदेशक श्रेया सिंगल होरें अधिकारिक तौरा पर इस महोत्सव दी शुरूआत कीती। इस मौके पर बोलदे होई अटल डुल्लू होरें आखेआ जे इस उत्सव गी शानदार प्रतिक्रिया थहोई ऐ जेह्दे च 30 मुखें थमां तकरीबन 1100 फिल्मां हासल होइयां जिंदे चा 135 फिल्में गी दस्सने लेई तालेआ गेआ ऐ। उनें दस्सेआ जे इस महोत्सव कन्नै जम्मू-कश्मीर गी वैश्विक सिनेमा कन्नै जोड़ने दे कन्नोकन्नी इस फिल्में दे इक केंद्र दे तौरा पर बढ़ावा देने ते मकामी नौजवानें लेई नमें मौके पैदा करने च मदद थहोग।

<><><><><><>

Tennis

टैनिस च पिछले बारी दी जेत्तू रेदियां Aryna Sabalenka ते कार्लोस अल्काराज यू.एस ओपन दे क्वार्टरफाइनल च पुज्जी गेइयां न। कल महिलाएं दे सिंगल राउंड च बेलारूस दी Aryna Sabalenka नै अमरीका दी Taylor Townsend गी 6-4, 6-3 कन्नै हराई दित्ता। स्पेन दी कार्लोस अल्काराज नै अमरीका दी टामी पाल गी प्री क्वार्टरफाइनल च 6-4, 6-3, 6-4 कन्नै हराई दित्ता।

<><><><><><>

Badminton

सात्विकसाईराज रंकीरेड्डी ते चिराग शेट्टी दी जोड़ी नै चाइना मास्टर्स बैडमिंटन टूर्नामेंट दे मर्दे दे डबल्स दा खिताब जित्ती लैता ऐ। भारती जोड़ी नै कल चीन दे शेनझेन च खेड्डे गेदे फाइनल मुकाबले च चीन दे ही जी तिग ते रेन जियांग यू गी 11-21, 21-13, 21-17 कन्नै हराया। एह इस

प्रतियोगिता च भारत दा पैहला ते इस जोड़ी दा इस सत्र च दुआ खिताब ऐ। सात्विक ते चिराग दी जोड़ी नै एह्दे शा पैहले सिंगापुर ओपन सुपर-750 टूर्नामेंट जित्तेआ हा जिसलै के थाईलैंड ओपन च एह् जोड़ी उपविजेता रेही ही। भारती जोड़ी नै सेमीफाइनल च मलेशिया दे नूर मोहम्मद अजरियान अयूब ते तेन वे कियोंग गी 21-15, 18-21, 21-11 कन्नै हराया हा।

<><><><><><>